



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Lignvm Vitae, Ornamentum, & Decus Ecclesiae**

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

**Wion, Arnold**

**Venetiis, 1595**

Abbates Casinenses tertio. c. VIII.

**urn:nbn:de:hbz:466:1-38372**

## Abbates Casinenses tertio. Cap. VIII.



**A**LIGERNYS Neapolitanus, Monachus primum cœnobii S. Pauli Romæ, deinde ex Præposito, Abbas XXVII. Casinensis, electus anno 950. die 9. calendæ Decembris, præfuit monasterio, quod à fundamenti secundus restauravit, ann. 37. Obiit 9. calend. Decemb. 987. Sepultus est iuxta Ecclesiam Sancti Benedicti Casini. Ordinem monasticum per Italiam correxit.

Manso, Abbas XXVIII. creatus anno 987. die octavo cal. Decembris, præfuit anni. 10. mens. 3. dieb. 15. Hic quorundam malevolentia excæcatus paulo post obiit 8. idus Martii, ac in claustro monasterii sepultus est anno 997. Eo gubernante Monachi Casinenses in Liguria quinque Monasteria construxerunt.

Sanctus Ioannes II. Abbas XXIX. creatus anno 997. die 15. Septembris, præfuit anno 1. Ob senium resignavit, die 15. Septembris, & sanctitate plenus sub Abbate Theobaldo, pridie idus Martii ad celestia euolauit.

Ioannes III. Abbas XXX. Principum Beneuentanorum genere ortus, creatus anno 998. die 16. Septembris, præfuit ann. 12. mensib. 6. Obiit Casini 15. calen. Aprilis A.C. 1011. Hic Coloniam monachorum in Illyricum misit, & per prouinciam illam cœnobia construxit.

## SCHISMA PRIMVM.

**D**ocibilis Caietanus contra Ioannem electus, anno 1009. præfuit in schismate mensibus ferè 7. Sed cum Ioannis metu Caietani se contulisset, non ita multo post infirmitate correptus ad monasterium Casinense deferri se postulans, quiescente sine defunctus est.

Ioannes III. cognomento Rotundulus præfati Ioannis. iii. Nepos à Patruo suo iam moriente adhuc Nouitijs Abbas fratribus præpositus, anno 1011. paucis post mensibus, ab iisdem, rei indignitate commotus, fugatus Beneuentum fugit, ubi propinquorum patrocinijs cœnobii S. Modesti Abbas effectus est.

## SCHISMA SECVNDVM.

**A**thenulfus, Abbas XXXI. Pandulfi Beneuentani principis filius, ex monacho S. Modesti Beneuentani in schismate contra Ioannem Abbas electus anno 1011. eo in Abbatem S. Modesti confirmato, pacificè præfuit annis 11. imperfectis, tandem ob metum Imperatoris

B toris

toris Henrici II. Constantinopolim fugiens, cum sociis, & omnibus suis rebus naufragio periit, anno 1022. Monasticum Ordinem per Germaniam reformauit.

Theobaldus Abbas XXXII. creatus anno 1022. pridie cal. Jul. & à Benedicto Papa VIII. Abbas consecratus, præfuit an. 12. mens. 11. diebus 3. Pulsus à Pandulpho principe ad Monasterium S. Liberatoris se contulit, in quo per quinquennium uitam degens, nonas Iunii deuotissime obiit anno Christi 1035. ac ibidem sepultus est. Vacauit Abbatia ann. 1.

Basilus Abbas XXXIII. principis Beneuentani fauore, post annū uacantis sedis, uidelicet anno 1036. in Abbatem electus, quod male acquiserat, peius administrauit ann. 2. quib. indignissime præfuit; ab Abbatia regimine amarus fuit à Cunrado III. Imperatore, anno Chr. 1038.

Richerius Abbas XXXIII. natione Baugarius ex Abbate cenobii S. Benedicti Leonensis, Casinensi omnium Fratrum concordibus animis præpositus, anno 1038. die 4. Idus Iunij, præfuit an. 17. mens. 6. Obijt Aterni. 3. idus Decembris A. C. 1055. atque in Sepulchro Abbatis Theobaldi in Monasterio S. Liberatoris sepultus est. Hic in Pannonia Ordinem propagauit & fundauit. Vacauit Abbatia dies quindecim.

Sanctus Petrus Abbas XXXV. vir Religiosus & honestus creatus die. 27. Decembris anno 1055. præfuit anno. 12. mens. 5. quinq. & tædio victus cessit, anno 1057. die. 28. Maij. Obijt mitaculis clarus Casini ubi & sepultus est.

Federicus Abbas XXXVI. Gozelonis Lotharingæ Ducis filius, abdicante Petro, atque S. Humberto Cardinali Legato Apostolico ac Monacho adhortante, Sexta Feria post Pentecosten Fratribus prælatus, die 4. calendas Iunij, anno 1057. præfuit mens. 10. sequenti, ab eius electione, die, Florentiæ a Victore Papa. II. collegio Cardinalium sub Titulo S. Chrylogoni adiunctus; altero promotionis suæ mense, in eius locum. 4. nonas Augusti Pontifex Summus renunciatus, nec non die sequenti coronatus & consecratus, Stephani nomen sibi aptari voluit. Obijt Florentiæ sanctitate plenus. 4. cal. April. anno 1058. ibidemque in ecclesia Cathedrali sepultus est. Scripsit contra Patriarcham Constantinopolitanum.

De corpore Domini lib. 1.  
De eadem materia, contra quendam Monachum lib. 1.

Et alia nonnulla quæ ad noticiam meam non uenerunt.

De li-

Desiderius antea Dauferius uocatus, nobili principum Benentanorum sanguine ortus, ex Monacho Sanctæ Trinitatis Cauesis, primum Præpositus, postmodum omnium Monachorum votis die Sancto Paschæ 15. calend. Maii, anno 1058. Abbas XXXVII. Casinensis electus; anno sequenti pridie nonas Martii Auximi in Piceno a Nicolao Papa II. Presbyter Cardinalis T. S. Cecilie creatus, ipsis nonis Dominica proxima Abbas Casinensis consecratus est: præfuit annis 29. mensibus 4. diebus 27. Demum mortuo Gregorio Papa. VII. inuitus ac renitens, die. 9. cal. Iunii, anno 1086. Pontifex Maximus renunciatus, ac Victor. III. acclamatus, consecrari minime passus est usque ad 12. cal. April. anni sequentis, sedit in apostolica sede a die creationis, ann. 1. mens. 3. dies. 4. a consecratione verò, menses. 5. dies 27. Obiit in Monasterio Casinensi 16. cal. Octobris, anno 1087. ac in capitulo Fratrum primo sepultus, postmodum ad Capellam S. Bertharij martyris translatus est. Multa dum uixit scripsisse fertur, inter quæ feruntur,

De miraculis quæ a S. Benedicto & alijs Monachis in Monasterio Casinensi facta sunt, lib. 4.

Cantus quosdam de S. Mauro; & alios nonnullos Tractatus, qui ad manus nostras non peruenerunt.

Sanctus Oderisius Marsorum Comitis filius, & S. R. E. Diaconus Cardinalis, uiuente adhuc Victore Papa. III. 18. cal. Octobris Abbas Casinensis XXXVIII. anno 1087. electus præfuit ann. 18. mensib. 2. dieb. 18. & Sanctis operibus plenus obiit 4. nonas Decembris, anno 1105. sepultus Casini. Plura scripsit dum uixit maxime uersu, quæ iniuria temporis perierunt.

Otto Fundanus, Abbas XXXIX. creatus ipso die depositionis prædecessoris sui an. 1105. præfuit regimini Monasterij an. 1. & mensib. 10. Obijt ipsis cal. Octobris an. 1107. & sepultus est iuxta ecclesiam S. Andree in cimiterio Fratrum ad Leuam. Vacauit Abb. dies. 44.

Sanctus Bruno, siue Brunus, Ligur, ex illustri Astensium sanguine, Episcopus primum Signiensis, deinde abdicato Episcopatu, Monachus Casinensis; postmodum 44. ab Ottonis obitu die, omnium Fratrum concordia uoluntate Abbas XL. anno 1107. Idibus Nouembris electus, præfuit annis. 3. mensib. 10. quibus elapsis a Paschali Papa. II. coactus anno. 1111. Idibus Septembris Abbatiam resignans, ad Episcopatum suum reuersus est; ubi in sancta conuersatione ad finem usque perseverans, migravit ad Dominum, pridie calendæ Septembris. Eo autem recedente uacauit Abbatia men-

fem. 1. & dies. 3. Cum autem non minus doctrina, quam sanctitate polleret, scripsit plura opera, videlicet.

In Genesim, lib. 1. In Exodum, lib. 1.

In Leuiticum, lib. 1. In Iudicum, lib. 1.

In Numeros, lib. 1. In Psalmos, lib. 1.

In Deuteronomium, lib. 1. In Esaiam, lib. 1.

In Cantica Canticorum, lib. 1. In Apocalypsim, lib. 1.

Sententiarum, lib. 1. qui est in Bibliotheca Casinensi MS. in

membranis. Sermones 69. de Dominicis, & præcipuis anni festi-

uitatibus, lib. 4. quorum primus est de laudibus ecclesiæ, habetque

Sermones. 9. Secundus, de ornamentis ecclesiæ, continet Sermo-

nes. 12. Tertius de nouo mundo, Sermonibus. 16. Quartus, de præ-

cipuis festiuitatibus anni, complectitur Sermones. 36. Hæc autem

apud me MS. in membranis, sed eos, amicitie ergo, dono dedi D. Co-

stantino Siracusano Monacho Catanensi.

Homilias de diuersis 155. quarum apud me sunt subsequen-

tes MSS.

Dominica prima Aduentus, Hom. 1. Duos discipulos.

Dominica. 2. Aduentus, Hom. 1. Quibusdam interrogantibus.

Dominica. 3. Aduentus, Hom. 1. Ioannes Baptistam euocans.

Dominica. 4. Aduentus, Hom. 1. Omnes enim existimabant.

Feria. 4. quatuor temp. Aduentus, Hom. 1. Missus est inquit.

Feria. 6. quatuor temp. Aduentus, Hom. 1. Virgo Deo plena.

In Vigilia Natiu. Domini, Hom. 1. Primum autem quærendū est.

Et alia nonnulla scripsisse fertur, quæ ad manus nostras non perue-

nerunt.

Girardus Abbas XLI. nobilissima Marforum Comitum stirpe

progenitus, abdicante S. Brunone, a Fratibus electus est, anno 1114.

die. 17. Octobris: eis præfuit an. 11. & mensibus. 3. Obijt die 16. ca-

lendas Februarij, anno. 1123. ac sepultus est in capitulo Fratrum.

Odericus. II. Abbas XLII. Sangrorum Comitum sanguine cla-

rus, & S. R. E. Diaconus Cardinalis, Girardo substitutus anno 1123.

die. 18. Ianuarij, præfuit annis. 3. mensibus. 3. diebus. 15. Tandem

Calisti Papæ. II. & Monachi, iussu depositus, anno 1126. die. 3. Maij

abdicauit. Et non ita multo post, id est, die. 3. mensis Junij sequens

mortuus est, regiminis sui anno. 3. mense. 4. die. 15. & Casini sepul-

tus. Scripsit dum uiueret.

De festiuitatibus totius anni, Sermonum. lib. 1.

## SCHISMA TERTIVM.

**N**icolaus Tusculanus, Abbas XLIII. in schismate contra Ode-  
rimum electus, anno 1126. die. 4. Maij: præfuit anno. 1. mense  
1. diebus. 16. Sed ob insufficientiam ab officio remotus est, anno  
1127. die. 20. Iunij; quo amoto uacauit Abbatia dies viginti unum.

Seniores Abbas XLIV. iussu Honorij Papæ II. a Fratribus 4.  
idus Iulij, electus, anno. 1127. eisdem sanctè & pacifice rexit an-  
9. mens. 6. dieb. 19. Obijt plenus dierum Calendis Februarij, anno  
1137. Sepultus ad gradus cimiterij Fratrum. Vacauit Abbatia dies 8.  
Rainaldus Etruscus, a maiori Fratrum numero, unanimi consensu  
creatus Abbas, anno 1138. ob aduersarij sui potentiam cuius, ele-  
ctionem confirmauerat Anacletus. II. Antipapa, inire non potuit,  
& ideo ab omnibus inter Abbates Casinenses non numeratur.

## SCHISMA QVARTVM.

**R**ainaldus. II. Abbas XLV. Calimentanus S. R. E. Subdiaconus  
Cardinalis: electus die S. Scholasticæ an. 1138. a quibusdam  
in schismate, contra Rainaldum Etruscum, & ab Anacleto Papa. II.  
confirmatus, præfuit tantum mensib. 4. Ab Innocentio enim Papa. II.  
mense Septemb. ab administratione remotus, in eius locū creatus est.

Abbas XLVI. Guibaldus, Lotharingus, ex Monacho & Ab-  
bate Stabulense iuxta Leodium concordibus animis Fratrum, in  
Schismate contra Rainaldum electus, die. 11. cal. Octobris, anno  
1138. ut erat uir pius & bonus, ob maximas, quas a multis patieba-  
tur difficultates, loco cessit. 4. nonas Nouembris; administrationis  
sue mense. 1. die. 11. ac ad Monasterium suum rediit, electione libera  
Fratribus relicta.

Rainaldus. III. Abbas XLVII. Marforum comitum genere ortus,  
13. a discessu Guibaldi die, id est. 17. cal. Decembris, ob morum gra-  
uitatem, & singularem doctrinam, Monachis Abbas datus; Mona-  
sterio præfuit annis. 28. & mensib. octo. Anno autem quarto regi-  
minis sui, Christi Domini 1140. ab Innocentio Papa. II. ob singula-  
rem eruditionem, & uitæ meritum, SS. Marcellini & Petri Cardi-  
nalis renunciatus, annis plus minus 26. titulum retinuit; & tandem  
plenus dierum obiit anno 1166. ipsis Idibus Iulij, in Casino ante  
Capitulum sepultus. Non uacauit sedes.

Theodinus Abbas. 48. creatus anno 1166. præfuit mensibus sep-  
tem. Obijt peste anno. 1167. mense Februarij. Vacauit sedes men-  
ses aliquot.

Egidius Venusinus Abbas 49. creatus anno 1167. præfuit annis  
B 3 tribus

tribus, & ab Alexandro Papa III. deponitur, Anno Domini 1170. Vacauit sedes menses aliquot.

Dominicus de Sambuceta, Abbas 50. creatus anno 1171. præfuit annis duobus. Obiit anno. 1173. septimo calend. Maii, & Casini sepultus est. Non uacauit sedes.

Petrus de Insula Abbas. 51. creatus anno. 1173. die obitus sui prædecessoris, præfuit annis 13. mens. 2. dieb. 13. Obiit anno 1186. die octauo Idus Iulii, Feria 3. & in Casino sepultus est. Vacauit sedes menses. 7. & dies septem.

Roffedus de Insula, Abbas. 52. creatus anno. 1187. die 21. Februarii præfuit annis 21. mensib. 3. dieb. sex. A Clemente Papa III. Cardinalis SS. Marcellini & Petri postmodum pronunciatus, in eadem dignitate diem obiit Casini anno 1208. tertio calend. Iunii & ibidem sepultus est. Vacauit sedes dies uigintitres.

Petrus. II. cognomento Comes, Abbas 53. creatus anno 1208. die 9. cal. Iulii præfuit mensibus septem, diebus quatuor. Fuit & Presbyter Cardinalis factus ab Innocentio Papa. III. Obiit anno. 1210. quinto cal. Februarii, Casini sepultus.

Adenulfus, Abbas 54. creatus anno millesimo ducentesimo decimo. præfuit annis. 4. & mensibus duobus. Obiit anno 1214. & Casini sepultus est. Vacauit cenobium annum unum, & amplius.

Stephanus Marficanus Abbas 55. creatus anno. 1215. die 2. Augusti præfuit annis 11. mensib. 11. diebus 20. Obiit Casini anno 1227. duodecimo calend. Augusti, ibique sepultus est. Vacauit sedes menses quinque.

Landolphus Senebaldus Abbas 56. creatus anno 1227. die 22. Decembris præfuit annis 10. mensibus. 6. diebus 26. Obiit anno 1238. die 18. mensis Iulii, in Casino sepultus. Non uacauit Abbatia.

Stephanus. II. Abbas 57. creatus anno. 1238. die. 19. mensis Iulii præfuit annis. 12. mens. 6. dieb. duobus Obiit anno 1251. duodecimo calend. Februarii, & Casini sepultus est.

Richardus Hannibaldus, Romanus Cardinalis Tituli Sæcti Cyriaci siue S. Angeli, ex Monacho a Gregorio Papa. IX. anno 1240. factus; deinde Abbas 58. creatus anno millesimo ducentesimo quinquagesimo primo præfuit annis 12. Obiit anno millesimo ducentesimo. 63. & Casini sepultus est. Vacauit sedes menses aliquot.

Bernardus, Gallus S.R.E. Cardinalis, Monachus primum & Abbas Monasterii S. Honorati insulæ Lirinensis in Gallia, deinde iussu Urbani Papæ. III. (in locum cuiusdam Theodini Monachi Casinensis

sinensis, Acerrarum Episcopi electi de mandato Manfredi Tarentini Principis) Abbas 59. creatus anno millesimo ducentesimo sexagesimo tertio, praefuit annis. 19. Obiit Casini, ubi & sepultus est anno 1282. pridie Nonas Aprilis. Vacavit sedes menses. 2. dies. 14. Scripsit non contemnenda opera, inter quae, reperiuntur.

Super regulam S. P. Benedicti, lib. 1. qui est Casini, & in S. Benedicto Mantuano, MS.

Speculum Monachorum, lib. 1. excus. Venetijs anno 1520. in 16. Collationum, Beneficiorum, & Officiorum, montis Casini, Regestum vnum.

Inquisitionum, Iurium, & Bonorum in castris & villis montis Casini, Regestum alterum.

Reperiuntur in archiuo montis Casini manuscripta.

Thomas de Rocca quinque millium, Abbas 60. creatus an. 1282. die 19. Iunii. praefuit annis. 11. mensib. 11. diebus. 18. Obijt, anno 1294. Nonis Iunii, & sepultus est in Casino.

Pontius Caranensis, Abbas 61. creatus anno. 1294. die 6. Iunii, praefuit mensib. quinque. Obijt eodem anno die. 6. Octobris. Vacavit sedes dies aliquot.

### Abbatēs Casinenses Ordinis Cælestinorum.

#### Cap. IX.



NGELARIUS. II. Ordinis Cælestinorum, Abbas 62. creatus anno. 1394. mense Octobris, praefuit mensibus quinque, & nouem diebus. Obijt anno Domini 1295. mense Martio. Vacavit sedes aliquot.

#### ANNOTATIO.

Quomodo, & quando factus fuerit hic Abbas Montis Casini, exponit Dominus Richardus, Monachus Casinensis, & quondam S. Iustine Abbas, super caput, 21. Regulae S. Benedicti, de Decanis Monasterij, cuius expositio reperitur in Bibliotheca Montis Casini, MS. in Scamno. 12. ad Sinistram, ubi sic ait: In Anno Domini 1294. mense Octobris Indiēt. 7. Domnus Cælestinus Papa V. qui antea uocatus fuit, Frater Petrus de Murone, homo magnæ sanctitatis, uenit ad Monasterium Casinense; & uolens dictum Monasterium vnire Religioni suae, induxit Monachos pro maiori parte, ut reciperent suæ Religio-